



**Sel Prestuhn  
Henry B. Eyring**  
Mwet in Kahsruh Se Met ke  
Prestuhnsi Se Met

# Fuhkah Luhpan Engam Lowos

**S**esahlah engan ke moul suc emwem liki kuh kawihl liki na in etuh lah kom kahsruh elos sahyac tari in us wosasuc luhn Jisus Kraist nuh insiyacos. In engankihn engan sacn pa pacl wowo luhn mempucr kwewa ke Alu uh. Ke kuht pacptaislac ah, kuht orwacalah sie olwelah muh kuht ac “tu in ekihn sie mwet loh sin God ke pacl nuh kwewa ac in ma nuh kwewa, ac yen nuh kwewa suc [kuht] oasr we, finne nwe ke misac, tuh [kuht] in kuh in ahknwacsnwacsyeyuck sin God, ac in wekyucklac wi elos ke moulyak se met, tuh [kuht] in eis moul ma pahtpaht” (Mosiah 18:9).

Mempucr nuh kwewa insese ke ip se kuneyuck nuh ke Alu uh in us wosasuc luhn Jisus Kraist nuh facl uh, yen nuh kwewa ac puhlan moul na lalos. Leum El fahklah kahlwem: “Liye, Nga suhpwekomwot in fahkwack ac sulkackihn nuh sin mwet uh, ac ohinge elos nuh kwewa suc sulkackihnyuck nuh se tari in sulkackihn nuh sin mwet tuhlan la an” (liye D&C 88:81). Misineri ke lwen nuh kwewa uh in oasr kuh se lalos in lotwelos suc soenna mempucr lac ke Alu uh. Mempucr ke Alu uh in oasr kuh se lalos in soklah elos suc Leum El ahkolah tari misineri in luti uh.

Kuht enenuh in moklwe luhlalfongi lasr ma Leum El ahkolah tari mwet infahroktacl in luti-yuck uh. El etuh lah suc elos uh ac elos ahkolah ngac, ac El kuh in kol kuhtlac nuh yorohlos ke kuh luhn Nguhn Muhtahl ac in acse nuh sesr kahs in

solwaclos in luti-yuck. Olweacng se Leum El sang nuh sin sie misineri ke yac 1832 pa pac olwelah se El acse nuh sesr ke kuneyuck se lasr in suk mwet ma ahkolah nuh ke luti sin misineri: “Nga ac suhpwacoht nuh facl Nguhn Muhtahl, suc fah lotwel ke ma pwacye ac innek suc elan fah som kac; ac oacna ke el luhlalfongi kuh, Nga fah sifil sunilyac ke twefuroh” (liye D&C 79:2–3).

Ac olwelah ke engan luhlaph nuh sin misineri luhlalfongi kuh pa oacyacpac ma lasr mempucr suc luhlalfongi kuh suc sang insiyacsr nuh ke orekma luhn misineri uh:

“Ac ingena, fin engan lowos uh yohk ke sie mwet suc kom use nuh yuruk nuh ke tohkohsrahi luhn Pahpah tuhmuhk uh, fuhkah yohkiyacn engan lowos fin kowos use mwet pucspucs nuh yuruk!

“Liye, oasr yuruwos wosasuc luhk, ac yot luhk, ac molwelah luhk.

“Siyuck sin Pahpah ke inek, ac luhlalfongi lah kom ac tuhlah eis, ac kom ac tuhlah eis Nguhn Muhtahl, suc fahkwack ma nuh kwewa suc fal nuh sin tuhlih nuhtin mwet” (D&C 18:16–18).

In weacng pac ke Nguhn Muhtahl in kahsre kuht akikhlen ac sulii elos suc ahkolah in luti-yuck, Leum El pahngon ac ahkpahye mwet kol in kol kuht. Ke sie lwacta ke Febweri 28, 2002, Prestuhnsi se Met el ahkyohkyaclih kunohkohn luhn pisap ac ward ke

orekma luhn misineri.<sup>1</sup> Ke kahsrh luhn ward kuh kausucl luhn pracns, u fuhlwact luhn pristut uh orwacrah plwacn se luhn misineri nuh ke u an. Ke plwacn sac oasr nuhnak tohuyc ke ohiyac ma mempucr an kuh in suk elos suc ahkolah in lutiyuck sin misineri uh. Oasr mwet se ma pahngyak in oruh mwet kol luhn misin ke ward kuh pracns. Mwet kol luhn misin sac fototo nuh yurin misineri ke pacl nuh kwewa uh ac mwet sirape kuh intoein lalos an.

Oasr inkacnek na pucspucs kowos kuh in sun wo ma enenweyuck lowos kais sie in kahsrh suk mwet nuh sin misineri uh in luti. Inkacnek fihsracsr uh pa ac wo emet uh.

Pruhe in kuh in kolyuck sin Nguhn Muhtahl. Sram-sram nuh sin mwet kol ac misineri uh, in siyuck ke nuhnak lalos ac olwelah nuh selos kahsrh lowos an. Ahkkweye elos suc wi kowos ke orekma se inge. Ac oruh sie mwet loh pacl nuh kwewa ke ma kom fahk ac oruh ma Jisus El pa Kraist ac lah God El topuk pruhe.

Nga ahkpwacyei lah Nguhn Muhtahl fah kol kowos nuh yohrohlos suc suk ma pwacye ke kom pruhe ac orekma nuh ke kolyuck sacn. Ac Nga etuh ke puhla luhk lah engan lowos fah oan paht yohrohlos suc su-lwacrah in eis ke wosasuc nuh insiyaclos ac in kutong ke luhlhlfongi.

#### MWE KAHSRUH

1. Liye “News of the Church: Ward and Branch Missionary Work Emphasized,” *Liahona*, Ohkohs 2002, 4.

#### LUTI KE PWENG SE INGE

- *Teaching, No Greater Call* ahkuhtweyac nuh sesr in ahkkweyelos suc kuht luti in akiyac finsrak in kahsrwelos moukihn ip yohk elos lotwelah uh (liye sra puk 159). Wi sucu uh, motko in akihlen mwe insewowo ke orekma luhn misineri fwac-kyuck sel Prestuhn Eyring ac, fin pihrihkyuck, suli sucu uh in akiyac finsrak uh in akacsruhi ke wosasuc uh.
- Motko in oruh nuhnak an ke inkacnek luhn sucu an in akacsruhi ke wosasuc, esam kahs in kahsrh lal Prestuhn Eyring ma fahk lah “inkacnek fihsracsr uh pa wo emet uh.” In lutlutkihn yohk ke oruh nuhnak, liye *Teaching, No Greater Call*, sra puk 160.

## MWET FUHSR

### Misineri Pucspucs ke Moul Luhk uh

Sel Elizabeth S. Stiles

Sacnri se emet Nga wi misineri alu ac, Nga akihle-nwack mwet nga wi matuhlah ac etuh ke mura uh. Nga liyacack sie sin kawuck wowo luhk ke lutlut ac, mwet sihm ke elementary ac high school ac, tuhlihk muhtwacn se nga tiac arlac wo nuh se ke pacl met ah, ac finne nuh ke pacna tuhlihk mukul fuhsr se suc nga tuh muhsmuhsen nuh se ah.

Kais sie sin mwet inge oasr ikeyac ma pahtpaht sihk. Kawuck wowo se luhk ah pa sie muhtwacn fuhsr na wowo se, ac ke srihpacl Nga sulacrah in sirape na Alu uh. Mwet sihm ma esamyuc ke lutlut ac kahsreyuc in etuh lah yohk srihpuck. Nga lotwelah ke luhngse luhn God ac luhngse pwacye sin muhtwacn fuhsr ma asruoki nuh sihk macnsiskuhnlah elah tiac-fal luhk nuh selos met ah. Tuhlihk se Nga muhsmuhsen nuh se ke Nga fuhsr ah akiyac mwe srihkasrak na wo se, Nga akihlen kahlwem lal ac ke muhta infahrol.

Puhla inge kahsrweyuc etwacrah lah, nwe met liki na ohsun luhk nuh yurin misineri uh ah, Pahpah Inkuhsrao El ahkoeyuclac in eis wosasuc uh sin mwet El fihliyac yuruk uh. Selos me Nga lotwelah lah ma srihsrihk kuht oruh uh kuh in yohk ikeyac. Yohk srihpacyac uh, Nga etwacrah lah orekma luhn misineri uh muhtwacwacack yuruk.

## TUHLIHK

### Wosasuc uh—Mwe Sang in Akacsruhi se

Kahs se wosasuc kalmac pa mwe luti nuh kwewa ac akwuck utuckuh nuh sesr sin Jisus Kraist ac mwet pahluh Lal uh. Wosasuc uh pa oacna sie fohtoh seseslah ke mwe sang sin Pahpah Inkuhsrao. Kom kuh in kahsrh sang mwe sang inge nuh sin mwet sahyac. Suc kom ac kuh in akacsruhi ke mwe sang luhn wosasuc uh?

Riti kais sie sin fuhs ke ma suhmuhslah inge ac orwacrah sie tahk an kuh sroal ke kuhtuh sin mwe sang suc ma ituckyang in weacng wosasuc uh.

1. Jemes 5:14–15
2. Mosiah 16:6–7
3. 3 Nephi 18:1–10
4. D&C 20:72–73
5. D&C 33:16
6. D&C 89:4, 18–21

7. D&C 132:46
8. D&C 137:10
9. D&C 138:32–34

© 2011 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/10. Ahkkweyeyucklac ke lweng: 6/10. Lwenglah luhn *First Presidency Message, February 2011*. Kosraean. 09762 868



Luhlahlfongi • Sucu • Kahsruh

# Fohlohkyak luhn Ma Nuh Kwewa

*Lutlutkihn kuhfa se inge ac, fin fal, sramsramkihn nuh sin tahmtahel kom muhtwacta yohroh an. Orekmakihn kihsen siyuck uh in kahsrwe kom ahkkweye tahmtahel wiyom an ac in oruh U luhn Muhtwacn in Kahsruh uh in ip utufuf se ke moul lom sifacna an.*

**M**wet Pahluh Joseph Smith el akiyac U luhn Muhtwacn in Kahsruh in ekihn ip enenweyuck se ke Alu uh. In ekihn prestuhnsi se, kuht finsrak tuh kuht in kahsrwe kom kahlwem kac lah efuh U luhn Muhtwacn in Kahsruh enenweyuck nuh in moul lowos.

Kuht etuh lah muhtwacn ke Wuhlweacng Sasuc uh ahkkahlwemye luhlahlfongi ke Jisus Kraist ac wi ke oruh orekma Lal uh. Luk 10:39 fahk kac Mary, suc “muhta ke niyacl Jisus, ac lohng kahs lal.” In Jon 11:27 Martha el ahkloh kac Kraist: “El fahk nuh sel, Ahok, Leum: Nga luhlahlfongi tuh kom pa Kraist, Wen nuhtin God, suc fah tuhkuh nuh facluh.” Orekma 9:36, 39 el fahk ke sie “mwet tuhma lutlut se Tabitha, . . . sesseslah ke orekma wowo. . . . Ac katinmas ah kwewa tu pe acn sac . . . in kohfahli nuknuk kuh kot suc ma[el] orwaclah.” Phebe, ke Mwet Rome 16:1–2, sie “mwet kuhlwaconsap luhn alu uh met” ac” mwet kahsruh se luhn mwet pucspucs.”

Atacn luhlahlfongi inge, fahkwack luhlahlfongi, ac kuhlwaconsap tuhtahflah ke Alu ke lwen-sahflah ac ahkwoyeyucklac ke akwucki ke U luhn Muhtwacn in Kahsruh. Julie B. Beck, prestuhn luhlahp ke U luhn Muhtwacn in Kahsruh, el luti ohinge: “Oacna ke Mwet Lahngo el solwacl Mary ac Martha ke we

luhn Wuhlweacng Sasuc in wi oruh ke orekma Lal, muhtwacn ke we se inge oasr kunohkohn lalos in wi oruh ke orekma luhn Leum. . . . Akwucki ke U luhn Muhtwacn in Kahsruh ke 1842 moklweack kwewa kuhiyen muhtwacn ac kain in kunohkohn lalos in muhsahi tohkohsrahi luhn Leum.”<sup>1</sup>

Kuht orwaclah orekma lasr uh ke kuht lohacng nuh ke srihpac ke U luhn Muhtwacn in Kahsruh uh: in ahkyohkye luhlahlfongi ac suwohs luhn kais sie, ahkkweye sucu uh ac lohmu uh, ac suk ac kahsrwelos suc enenuh.

Nga ahkpwacyei lah U luhn Muhtwacn in Kahsruh uh akwucki muhtahl in kahsruh ke orekma in molwelah. Kais sie tahmtahel ke U luhn Muhtwacn in Kahsruh uh oasr kunohkohn enenweyuck la in oruh in orwaclah orekma muhtahl se inge.

*Silvia H. Allred, mwet kahsruh se met ke prestuhnsi luhlahp Ke U luhn Muhtwacn in Kahsruh.*

## Ke Ma Suhmuhsrah

Joel 2:28–29; Luk 10:38–42; Mwet Efesus 1:10

## Ke Sramsram Mahtuh Lasr

Tahmtahel Julie B. Beck el luti lah “kuht etuh sel Mwet Pahluh Joseph Smith lah U luhn Muhtwacn in Kahsruh uh pa ip wo se ke Fohlohkyak

sac.”<sup>2</sup> Ohiyen fohlohkyak se muhtwacwacack ke Aruhrruhma se Met ke 1820 ac fahfahsruh “lain nuh ke lain, kahs nuh ke kahs” (D&C 98:12). Ke pacl se U luhn Muhtwacn in Kahsruh uh akwucki wo ke Mahs 17, 1842, Mwet Pahluh el luti muhtwacn uh ke acn enenweyuck lalos ke fohlohkyak luhn Alu uh. El fahk, “Tuh Alu uh tiacna fasi akwuck la nwe ke na muhtwacn uh akwucki.”<sup>3</sup>

### MWE KAHSRUH

1. Julie B. Beck, “Ahkfalye Srihpac ke U luhn Muhtwacn in Kahsruh uh,” *Liahona*, Nohfohpuph 2008, 108.
2. Julie B. Beck, “Fulfilling the Purpose of Relief Society,” 108.
3. *Teachings of Presidents of the Church: Joseph Smith* (2007), 451.

### Meac Nga Kuh in Oruh uh?

**1.** Kahsruh fuhkah Nga kuh in fosrngahkihn nuh sin tahmtahel wiyuck uh ke mwahlwem se inge suc ahkngwetye luhlahlfongi luhn muhtwacn etahwi luhn Jisus Kraist?

**2.** Mwe luti fuhkah ke fohlohkyak luhn wosasuc Nga ac fah lutlut kac in ahkkweye fahkwack luhlahlfongi luhk ke mahlwem se inge uh?

Nuh ke kuhtuh pac ma in etuh, som nuh ke [www.reliefsociety.lds.org](http://www.reliefsociety.lds.org).

© 2010 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/10. Ahkkweyeyucklac ke lweng: 6/10. Lwenglah luhn *Visiting Teaching Message, February 2011*. Kosraean. 09762 868